

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-21123/22
Sarajevo, 07.12.2022. godine

Na osnovu člana člana 69. stav (2) tačka e) i člana 70. stav (1) i (4) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.07.2020. godine a na preporuku Komisije za javnu nabavku radova imenovane rješenjem broj 02/02-04-23166/22 od 14.10.2022. godine, Općinski načelnik donosi:

ODLUKU O PONIŠTENJU POSTUPKA JAVNE NABAVKE
Izvođenje radova na sanaciji ulaznog hola u O.Š. "Mehmedalija Mak Dizdar"

I

Prihvata se preporuka Komisije za javnu nabavku radova i poništava se postupak javne nabavke - Izvođenje radova sanacije ulaznog hola u OŠ "Mehmedalija Mak Dizdar", broj obavještenja 422-1-3-222-3-198/22, objavljeno na Portalu javnih nabavki dana 12.10.2022. godine i u "Službenom glasniku BiH- Oglasnik javne nabavke", br.69/22 od 14.10.2022. godine, obzirom da su cijene prihvatljivih ponuda znatno veće od osiguranih sredstava za predmetnu nabavku.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba i dostavi učesnicima u postupku, u skladu sa članom 70. stav (6) Zakona o javnim nabavkama.

Obrazloženje

Odlukom broj 02/12-19-21123/22 od 06.10.2022. godine Općina Novi Grad Sarajevo pokrenula je otvoreni postupak javne nabavke - Izvođenje radova sanacije ulaznog hola u OŠ "Mehmedalija Mak Dizdar", broj obavještenja 422-1-3-222-3-198/22, objavljeno na Portalu javnih nabavki dana 12.10.2022. godine i u "Službenom glasniku BiH- Oglasnik javne nabavke", br.69/22 od 14.10.2022. godine.

Predmetna javna nabavka je raspisana na osnovu Sporazuma sa Ministarstvom za odgoj i obrazovanje Kantona Sarajevo i Aneksa Sporazuma broj 02/08-19-2955/22 od 05.8.2022. godine. Shodno odredbama sporazuma Općinski načelnik je rješenjem broj 02/02-04-23166/22 od 02.11.2022. godine imenovao Komisiju za provođenje predmetnog postupka javne nabavke u kojoj je jedan član predstavnik Ministarstva.

Zapisnikom o otvaranju ponuda od 04.11.2022. godine Komisija je konstatovala da su u predviđenom roku, u propisno upakovanim kovertama, pristigle tri (3) ponude ponuđača:

1. „GD Konstrukcije“ d.o.o. Mostar, 2. „Kolinvest“ d.o.o. Sarajevo i 3. „Dinalsa“ d.o.o. Sarajevo.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku i utvrdila da sve dostavljene ponude ispunjavaju formalno-pravne uslove utvrđene tenderskom dokumentacijom. Komisija je izvršila i računsku kontrolu ponude, te utvrdila računsku grešku za

ponuđača "Kolinvest" d.o.o. Sarajevo. Ponuđač je dostavio saglasnost o ispravci računске greške broj 01-317/2022 od 11.11.2022. godine.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 23.11.2022. godine sa početkom u 11:00 sati. Nakon okončane e-aukcije za predmetnu nabavku, a na osnovu Izveštaja o toku i završetku e-aukcije broj postupka 422-1-3-222/22 od 23.11.2022. godine, Komisija je utvrdila da konačna rang lista izgleda kako slijedi:

1. „Dinalsa“ d.o.o. Sarajevo sa ponudnom cijenom za ugovor u iznosu od 150.219,22 KM bez PDV-a,
2. „GD Konstrukcije“ d.o.o. Mostar sa ponudnom cijenom za ugovor u iznosu od 150.369,58 KM bez PDV-a,
3. „Kolinvest“ d.o.o. Sarajevo sa ponudnom cijenom za ugovor u iznosu od 184.431,14 KM bez PDV-a.

Nakon održane e aukcije ponuđač "GD Konstrukcije" d.o.o. Mostar dana 23.11.2022. godine putem e-maila obratio se zahtjevom za ponovno zakazivanje e-aukcije, a imajući u vidu da je došlo do pogrešnog unosa ponude ponuđača bez obračunatog popusta na portal javnih nabavki kod zakazivanja e aukcije. Komisija se putem Službe za zajedničke poslove obratila Agenciji za javne nabavke zahtjevom broj 02/12-21123/22 od 23.11.2022. godine u kojem se traži poništavanje održane e-aukcije i ponovno zakazivanje e-aukcije u skladu sa članom 7. stav (4) Pravilnika o uslovima i načinu korištenja e-aukcije („Službene novine BiH“ br. 66/16).

Agencija za javne nabavke BiH je aktom broj 04-02-1-2634-2/22 od 02.12.2022. godine obavijestila ugovorni organ da se zahtjevu za poništenje e-aukcije ne može udovoljiti jer je članom 7. stav (4) Pravilnika o uvjetima i načinu korištenja e-aukcije propisano da Agencija može ponovo zakazati e-aukciju i u drugim opravdanim slučajevima, a da se greška ugovornog organa u konkretnom slučaju kod unosa prihvatljivih ponuda ne može sama po sebi smatrati opravdanim slučajem. Pod drugim opravdanim slučajevima shodno tumačenju Agencije se prije svega podrazumijevaju slučajevi u kojima izjavljena žalba dovodi do određenih promjena u samom postupku javne nabavke (npr. poništenje odluke o izboru, diskvalifikacija kandidata).

Komisija je shodno naprijed navedenom aktu Agencije za javne nabavke BiH i odredbama Zakona dala preporuku za poništenje predmetnog postupka javne nabavke obzirom da su nakon provođenja e-aukcije cijene prihvatljivih ponuda znatno veće od osiguranih sredstava za predmetnu nabavku.

Imajući u vidu da je Komisija u cijelosti pravilno provela postupak i da je kvalifikacija ponuđača izvršena u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 69. stav (2) tačka e) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bećević / sekretar Komisije

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova

Općinski načelnik
mr. Semir Efendić